



SULEQATIGIISITSISUT
SAMARBEJDSPARTIET
UKA2019/49

Tillie Martinussen

16. oktober 2019 – siullermeerneqarnera

Meeqqanut pinerliisimanginnermut uppersaatip imaa annertusillugu meeqqanik atoqateqarsinnaangorsimasunik kinguaassiutitigut pinerliisimanagerit ilanngunneqartalernissaat pillugu Kalaallit Nunaanni Meeqqanut pinerliisimanginnermut uppersaammum malittarisassat allangortinneqarnissaat siunertaralugu naalagaaffeqatigiinni oqartussaaffinnut saaffigineqqullugit Naalakkarsuisut peqquneqarnissaannik Inatsisartut aalajangiiffigisassaattut siunnersuut. Allanguinerup peqataanik Namminersorlutik Oqartussat meeqqanut pinerliisimanginnermut uppersaammik piniarnissaminnut pisussaaffeqarnerat annertusineqassaaq inuit meeqqanut oqaatigineqartut ukiulinnut attaveqartartussanngorlugit atorfinittussat imaluunniit sullissisussat ilanngunneqarsinnaanngorlugit.

(Inatsisartunut ilaasortaq Steen Lyngø, Demokraatit)

Siunnersuut pitsaalluinnartoq Naalakkarsuisunit qujanartumik taperserpeqartoq uani pineqarpoq. Siunnersuut tamakkiisumik taperserparput, ilanngutissavarpullu isumaqaratta meeqqanut qanoq sivikitsigisumik attaveqarneq apequtaatinnagu inatsisitigut pisussaaffiliinerussusaq, tassa sivikitsumik sivusuumillu attaveqarnermi, atorfeqarneq, piunassutsimik sulineq allatulluunniit attaveqarneq apequtaatinnagit – attaveqarneq qanoq sivikitsiginersooq sivisutiginersorluunniit apequtaatinnagu.

Kinguaassiutitigut innarliinernik politinut unnerluussisunut akornusersuinerit, malersuinerit siorasaarinerillu pillugit sukaterinissamik pisariaqartitsivugut aammalu taamatut pinerlunnerni pinerluffigineqartut politiinullu unnerluutiginnittut immikkut mianerineqarnissaannik immikkullu illersorneqarnissaannik pisariaqartitsivugut.

Isumaqatigilluinnarparput meeqqat ukiup inersimasunut ilaatitaalerfik tunngaanut meeraasut, aamma isumaqarpugut taamatut tunngaveqarneq annertusineqassasoq.

Taamaalilluni inuit inersimasunik inersimasunut ilaatitaalernikunik kisiannili tarnikkut piginnaasakitsunik timikkulluunniit piginnaasakitsunik suliaqartussat uppersaatip assinganik pissarsisassasut – tassa innarluutilinnik, ineriikartorminni akornutilinnik immaqalu utoqqarnik isersimasunut ilaatitaasunik naammatumilli imminnut illersorsinnaanngitsunik.

Aalaniarnermikkut ineriikartormikkullu ajornartorsiuteqartunut angajoqqaajusunut ilaqutaasunullu aamma meeqqanut allanullu imminnut illersorsinnaanngitsunut toqqissisimanartuussaaq pitsaasoq.

Taamaammat Naalakkarsuisut qinnuigaagut tamanna apeqquteqaammi ilannguteqqullugu, uuma pinngitsoorani akuerineqarnissaanut atuutilersinniarneqarnissaanullu akornutaasariaqarani.

Maatut naatsumik oqaaseqarluta siunnersuutip uuma akuerineqarnissaa inassuteqaatigaarput.